

Guraso erosoari jarriak

I

Nire inguruan azkenaldian
haurrak ugaritu ahala
fenomenoak oiloipurdiz
jarri izan dit azala.
Pentsatzen baitut sarri umeak
munduratzuz gabiltzala
gidoi batean idatzitako
behar bat balitz bezala.



MADDI SOROKA

IV

Goizean goizik haurtzaindegira,
eguerdian jasoak...
Etxetik kanpo sarri pasatzen
dituzte egun osoak.
Iluntzerako berriz etxera,
muxu ta hitz ponpoxoak...
noizean behingo bisitariak
ez al dira gurasoak?

II

Haurrak mundura ekartzekotan
jakin behar da lehenbizi
sakrifikatu behar direla
hainbat amets ta gutizi.
Ez onartzetik iristen dira
sarritan hamaika krisi
umeak izan nahi ditugu ta
nobio bezala bizi.

V

Play Stationa, Telebista bat
eta ordenadorea
gelan baditu baina lagunik
ez du ekartzen ordea.
Opariz bete diogu gela
baina non du umorea?
gure denbora oparitzea
ez al litzake hobea?

III

Aita ta ama lanera doaz,
nola ez dira joango?
Bestela ez da aurtengo udan
bidaia onik izango.
Eta umea eskurik esku,
haragizko kontrabando
ia amonak ezagutzen du
gurasoek bezain ondo.

VI

Ta azkenean umeak dira
aurpegiratzen zaienak
kezka betetzen dizkigutela
gure egun lasaienak.
Kulpa batzuk bai baina guztiak
ez dira, noski, haienak
hezten ditugun bezalakoak
irtengo dira gehienak.